





天全六番稿

天全六番係高楊兩土司地古分爲二今屬合銜世爵招討使境內有天全寺六番者馬村蘇村金村楊村隴東村西碕村是也由雅州入過飛仙關兩崖峭壁高立千仞下臨深溪以多功河爲界渡河即屬土司始陽碕門乃商賈所集思延產烏茶見廣輿記并統誌土民耕田而食不完稅糧人物俊秀嗜讀書衣冠飲食與漢人同東抵雅州西抵打箭爐即武侯征蠻打箭處南抵榮經縣黎州北抵





蘆山縣邛州兩土司各子其民地則犬牙相錯古為蠻獠魏為始陽唐為靈關宋為和夷即禹貢和夷底績處有臥龍山乃武侯征蠻時所宿也稿分五種臚列於左

入峽詩

三峽由湖廣夔陵州南津關而入巫峽瞿塘峽歸峽世稱三峽連亘七百餘里水經云杜宇所鑿瞿塘峽巫峽屬四川夔州府歸州有空舫峽即水經所謂埵竈峽中有馬肝石故又稱馬肝峽乃楚之宜都蜀之建始界瞿唐

實三峽之門即酈氏所謂廣谿峽若黃牛峽明月峽西陵峽又夷陵之三峽峽名甚多統謂之入峽也

渡瀘詩

瀘河即武侯五月渡瀘處余以西爐梗化從征蠻地由榮經縣邛徠山九折坂黎州飛越嶺至化林程計七日化林至河三十里東為沈村長官司西為猴子坡余於五月初二日渡瀘轉餉河為打箭爐要道商賈軍民所必由五六月白浪滔天舟不能渡兩岸以溜



天全六卷  
索扯人過河今一能大中丞創造鐵索橋名  
安樂可通騾馬無復河患恩垂不朽矣

出棧詩

自新都至沔縣謂之南棧路極危險自褒城  
至寶鷄謂之北棧路猶可行統曰連雲棧程  
行八百餘里南棧最險者有牛頭關劍門關  
朝天關七盤關五丁關劉儀鳳劍閣記云劍  
門舊有棧閣二千九百八十九間亦名翠雲廊  
今惟喬松老柏絕無所謂閣矣北棧最險者  
有鷄頭關界牌關柴關廢丘關石頭關諺云

劉壩至馬道二十四處馬鞍橋若還不設數  
青橋還有一兩箇劉壩至馬道幾百里所謂  
馬鞍者危峰突兀狀若馬鞍高者數丈低者  
丈餘長或一里半里旁臨絕澗斯為棧道之  
險余蒙 能大中丞異恩以卓薦入都道經  
於此詩以誌不忘也

碣門詩

碣門介兩土司之中有小城屬雅州官舍在  
城中間城外即兩土司地西為禁門關通打  
箭爐



天全二看和  
三  
蓉城詩

時奉憲檄往來蓉城分列之所以尊漢土也  
余十戰棘闈不得一遇歲癸亥司訓烏程吳  
興山水清遠時爲西塞之遊署有桐軒花時  
復多賓朋唱和十七年中得詩六卷課文之  
暇又得講義樂府雜著八卷諸從遊強以災  
梨已卯量移天全絕無簿書之事偃蹇窮荒  
七載瘴雨蠻煙備經危苦然遇奇山水不能  
已於詞拉雜拙俚稍爲詮次豈敢云窮而後  
工聊以誌蜀道之難駒隙之易天末孤臣之

沉瘁云爾康熙丁亥穀雨海寧張韜識於金  
臺旅舍





天全六番稿

入峽詩

兩月江行止半程四千里外是彝陵  
船逸莫怪長年意氣矜

舟前獨木大如椽兩手頻推勇氣全  
不住三人猛力過灘邊

風分上下無南北  
木作飛鳥絕頂

盤檣頂置一木鳥風順鳥頭向後風逆鳥頭向前  
安得迎風舉健翮鳥頭只向柁

師看

海寧



六





布帆百幅跨中央擢槳雙雙十八郎槳在船頭左右兩行共十八人最

苦篙師探水淺船頭遠唱和歌長船頭需用一人探水深淺一人起歌眾人和之

舵師高立率羣徒醒木頻敲逼懦夫舵工高立船尾用一小木手擊

所以催擢槳也豈是磻溪垂釣侶太公尊號竊稱呼舵工最尊眾人以太公

呼一灘已過一灘高盡日灘聲似海濤擊鼓鳴金齊

着力勢如列陣兩軍鏖

日日舟從石縫穿舟從水鬪水無權眾人跳石如

兒戲一似猿猴竄樹巔

擢槳船頭手不停復聞鼓響走沙汀歌聲歛乃中

流去任泊灘邊候曉星

南津關口盡川船峽入歸州便慘然歸峽係第一峽峭壁千

尋雙突兀中間一線是青天

層層怪石疊成堆斧劈奇峰勢欲頽仰看河邊留

虎迹灘聲驟起忽成雷

晨起雲遮四面山青天忽露一山尖漸看雲合諸

峰沒止剩灘頭石似鉗

孝女山頭黛色濃紅顏猶自振奇蹤舟人指點黃

荆墓千古綱常賴此峰黃荆墓地名昔人有九子不葬其父一女獨任之

峰巒重疊插天高霧隱雲遮千萬坳更有玲瓏新

峯巒重疊插天高霧隱雲遮千萬坳更有玲瓏新

峯巒重疊插天高霧隱雲遮千萬坳更有玲瓏新

峯巒重疊插天高霧隱雲遮千萬坳更有玲瓏新

峯巒重疊插天高霧隱雲遮千萬坳更有玲瓏新



異石虎丘巧手不曾教

漁人不畏風濤險急水灘頭慣捕魚獨木為梁斜

挂網生涯只在此中歟

數間茅屋住山坳止與山中豺虎交竹木斫來無

處賣任從客子佐行庖

石態千般各逞奇高低正側盡多姿營丘妙筆何

能皴萬幅煙雲却在茲

石洞幽竒不可探多應虎豹此中酣江南老衲搜

名勝定向其中置一龕

吳興山水最清遠那得神竒似此間一事却輪茗

上美芥茶潯釀佐看山

尚愛此山看不足坡詩祇屬贊詞耳我從山水窟

中行可愛之山豈過此

灘到黃陵勢愈張舟行無恙伏靈王吾神已奏平

成績幸賜安流濟客商

未聽哀猿啼兩岸止聞灘響振寒塘灘聲已令腸

先斷何必猿聲始斷腸

雲起山中沒半腰青峰露出竝青霄層層峽口如

關鎖峰頂難飛霜後鷗

急水之間皆亂石星羅棋布水中央灣環擢入波



心裏噴沫蛟龍鬣鬚揚

小山竒巧疊難成宛似江南園圃形欲倩名流圖  
百幅茅齋高臥對山靈

虎踞龍蟠山勢雄中流又復起竒峰陰森只有飛  
鳥到深鎖重巒一擢容

日在風波險處行狂濤怒石使人驚奚時偃仰三  
間屋鑿井耕田樂太平

妻孥不顧事長征祿米由來可代耕莫以官卑忘  
重寄六番止仗一書生

猶憶談經茗雪邊時時文酒任流連如今筆硯堪

焚棄桂杏空思未了緣

山高樹小氣能全草色隆冬翠色鮮紅葉青楓秋  
尚在人間別是一山川

峰嵐旣爾顯神怪復有煙雲出沒竒兩岸高山風  
不到一山迴抱一山隨

入險頻頻出險遲驚魂漸已逐鄉思青燈獨坐灘  
聲急枕上孤吟數首詩

峽中天氣冬猶暖不似吾鄉徹骨寒爛醉一樽忘  
寂莫夜深和月宿沙灘

吳興名水稱三箬三峽何如三箬良廟芥烹來香



愈好恨無蒙頂助清涼

舟行已過兵書峽不見兵書在峽邊自是天家慶  
偃武兵書只合付雲煙

香溪口外水湯湯聞說昭君此滌救

香溪口地名昭君滌救于此

莫

以和番怨畫手傾城豈許近君王

三峽綿綿七百里萬重山色萬重新何妨變作身  
千億一箇峰頭立一身

膠弓羽箭學從軍儒服奚堪出塞雲差喜平都賢  
令尹相逢猶得話離羣

水遶三江徐入海舟無一面不當山錦囊應令多

佳句自問慙無竹管斑

靈均放逐震千秋賢姊聲名孰與儔玉米至今耕

種得此鄉猶是號歸州

屈原有賢姊聞原放逐來歸因名歸州玉米田屈原耕此產白米似玉

佳水佳山鎮日過緣何詩興轉無多若逢道士傳  
名釀為續坡仙蜜酒歌

自慙白髮已盈頭富貴於吾何所求淡飯黃齏持

秃筆日烹峽水到和州

天全一名和州

看盡峽中千萬山山山各自顯奇觀荆關即有神  
奇筆到此應須攔筆看

列石江中如劍戟逆流而上戰波濤人人勇猛如



貔虎酷似三軍下水操

石門猶是巴東地煙火千家聚一陬三峽之中已

過半封疆尚爾屬荊州

長江萬里古來傳我已經由路八千江過焦山入

大海岷山約畧近天全

萬流荒驛置空山楚蜀分疆在此間記得田家鎮

裏過菊花猶自插雙鬟

楚界起自田家鎮余于九月十四日入楚

一峰將過一峰迎看盡千峰不記名十二巫峰峰

莫識舉頭惟見白雲橫

神女巫山廟祀嚴行人敢不肅觀瞻辦香未荅靈

祇佑仰看天風捲繡簾

跳石灘頭最險惡蝦蟆石底蛟龍藏兩旁浪潑舟

斜側舵手篙工用力忙

三分水口分三省

三洞分水三股土人謂一尿楚一尿川一尿秦以水大小卜年之豐荒

三省豐

荒卜水分我欲持瓢嘗異品風帆頃刻趁餘曛

迷猴子下莫驚猴

迷猴子地名

擢過灘邊金鼓收如此笑

啼俱不敢猿聲那得到孤舟

此處舟子戒人言笑

風箱峽口走風檣恰遇東風風力強不及烹茶與

煮酒令人辜負此風箱

鐵柱溪邊鐵柱雙滔天水勢力能降更從灑灑堆



前過峰斷斜暉射石砭

深山隱隱爨煙生落日荒涼白帝城始信吞吳非

妙算空令陸遜擅威名

先主報關張之仇意欲吞吳遂致殞身白帝遺恨失吞吳蓋此意也

天開巨峽自瞿塘怪石峻嶒更不常門鎖巴江通

一線水經吳會入東洋

白藕花香去白蘋芹宮禮樂夢中親

余于夏間離烏程學署

永安

已作菁莪地猶得摳衣拜至人

夔州府學即永安宮地

西鄉功業振乾坤水繞山圍廟貌尊祭祀應須通

海甸好將俎豆荅忠魂

雲陽在望擢聲齊水漸和平山漸低江濶天高意

氣爽布帆蚤過萬峰西

枕上依稀聽雪聲堆蓬不見玉山橫輕舟不受飛

花壓山半青紅依舊迎

怪石嵯峨氣象嚴紅黃紫白盡能兼更看火燄如

生鐵

江中有火燄石

黑色依稀似利鈿

兩崖疊石漸成塘岸塞諸峰氣不揚百道飛泉懸

峭壁千堆碎玉瀉寒光

數間茅屋倚沙汀十月空山麥已青不是此中氣

候暖物華那得不凋零

處處青山可種田山中樵採不論錢載將藥物彙



陵去換得粗衣過一年

水穿沙窟同山罅石占江心礙舵腰曲折風帆頻

展闔頭工兩手互招搖

船頭探水者謂之頭工

啼猿嘯虎尋常事吠犬鳴鷄總異聞人住亂峰渾

不覺爨煙起處雜山雲

數百人家成小市依稀城角出山隈抱薪負米供

官長衙舍清閒晝掩扉

佛手嬌黃滿店香攜來盆盎壓蕉觴蜀中何似閩

中好醉嚼清芬較短長

黃柑金橘鬻兒郎不比江南價值昂手擘紅瓢香

撲鼻明年更想荔枝嘗

宮漏止添一線長如何氣候異吾鄉菜花已布黃

金色錯認風光是艷陽

三年不見雙鳧令徹底清漪似此君舟泊花林心

轉憶

花林驛係平都境水清見底

平都尚隔數重雲





天全六番稿

海寧張韜權六

康熙庚辰五月之二日渡瀘河二首

將軍劍氣觸雲霄  
 闢土開疆報帝堯  
 誰謂汶陽非魯地  
 肯令河朔棄天朝  
 旌旗萬騎屯兵遠  
 風雪千夫餽餉遙  
 如此奇功真不易  
 蠻人共戴霍嫫媯  
 書生戎馬未曾諳  
 塞雪蠻霜更可憐  
 面瘦羞將青鏡照  
 髀銷每起白頭慙  
 囊無蕙苾堅貧骨  
 茶有菜萁却瘴嵐  
 自笑賦詩難退敵  
 春風吹盡滯歸驂

瀘河即事



四鎮集元戎旌旗日日紅強弓堆白雪戰馬蹴西  
風轉運吾民事勤勞臣子衷畏懷通萬國不必待  
兵攻

九折坂

歷險誰非父母身驅馳那敢憚王程人間忠孝尋  
常事莫讓王家九折名

塞外

塞外風流渾不減談諧合與老相宜回思少日顛  
狂甚把酒看花白眼垂

保寧黃府憲渡瀘河籌餉詩以餞之

仙鳧兩看渡瀘河露積郵傳功最多風靜蠻煙聽  
凱奏月明江水雜漁歌恩同挾纊難忘矣感似銜  
珠欲報何里句豈能傳不朽空將冷硯費吟哦

次安縣葉使君瀘河餞別韻

共渡瀘河亦偶然蠻山蠻水悵風煙雲依石燕飛

難去花發金釵梗倒懸

石燕生土中石上金釵即金釵石斛驛梗倒懸樹上則活二物產瀘河邊

路馬嘶峰九折溪聲風送柳三眠窮荒擔得愁無  
數何處哀猿叫遠天

歸至碣門再次前韻

蹇驢歸思覺蕭然甌冷茫無一縷煙敗筆塵封殘



帙亂破牕月落碎琴懸拍天瀘水驚愁夢徹夜猿  
聲攪客眠兩地相思憑錦鯉蟬鳴應話晚涼天時復  
有渡瀘之役

三次前韻

觸目哀鴻意惘然荒林隨處起炊煙雪消瘴嶺催  
溪漲露帶蠻鍋背日懸絕塞草稀千馬瘦空山月  
暗萬夫眠何時戰骨收窮野問酒箋詩趁好天余時

督夫  
運餉

老馬

歎息吾衰甚何為馬亦頽追風曾有志伏櫪豈無

才邊塞同茲苦奔馳更可哀老來當益壯駑鈍莫  
嫌猜

黎州使君搏天弟奉委瀘河造浮橋詩以贈  
之

爐蠻梗化限波濤大帥專征駐節旄不有浮橋通  
甲馬那能瀘水渡弓橐地隣邛笮憂邊切疆轄沈  
黎轉餉遙黃石家傳差可比何知事業讓韋臯

贈永川李使君渡瀘從征

諸葛勲名艷簡編使君事業繼前賢縱擒昔為偏  
安計征伐今昭一統權雪浪千層消毒熱銀濤萬



疊瀉遙天嚇蠻原屬君家事應有鴻文勒巨川

瀘河寄黎州搏天家弟

邛徠山勢插天高，劔指西番氣象豪。  
玉斧畫河勤遠畧，藜廳敷政感恩膏。  
驅車峻坂思前哲，九折坂在大相公嶺  
健飯高堂慰我曹。欲寄相思憑尺素，  
二郎溪畔水滔滔。

沈村渡口接雄姿

沈村長官司在瀘河東

虎帳高歌棠棣詩，渭

水聲名騰上苑

姜嘉定以軍功特薦卓異入京

莒公事業付流澌

指唐提憲

池塘春草吟殘句，露濕秋香發舊枝。  
幸喜雅安曾握手，一聲霜雁慰離思。

西爐平定送嘉定州姜纂文使君入覲

露滴荷花色倍鮮，空攜琴鶴去朝天。  
對君仗有平蠻策，垂橐羞無授葉錢。  
雲觸蹇驢驅古棧，月明高柳聽新蟬。  
鑿坡日望嘉陽吏，化外情形玉殿宣。  
蠻方跼蹐已三年，賴有春風拂拭便。  
馬老不堪悲汗血，鵬飛自合快遙天。  
無窮感慨心難寫，有限詩篇筆不傳。  
異地羈棲慙折柳，一溪風雨悵寒煙。

歸自瀘河途中即事

西爐效順仗，天威廟畧遐。  
宣奏凱歸八百土軍，冲利刃兩司民力。  
歎無衣，高楊兩招討有土軍八百酸風苦雪蠻烽。



靜畫餉籌夫心事違我亦渡瀘曾冒險驚魂猶向  
化林飛

贈嘉定姜纂文使君一百二十韻效栢梁體  
熙朝天子邁虞唐聖德巍巍世運昌文謨武烈格  
遐方貢琛獻矢集萬邦盈廷濟濟懋贊襄出宰百  
里皆賢良天府之國數蜀疆

帝更加意綏遠方大法小廉澤濊汪生聚日盛民  
安康瘠土荒田盡築場吳楚秦晉走千商百貨輻  
輳通氏羌騾駝筏載危險忘家家米麥盈倉箱山  
頭赤脚采茶娘茶利更饒西南鄉牛羊成隊卧蠻

岡蠻女竊效大堤倡打箭炉中垂金璫蠻倡謂之沙婆  
茶客畜而狎之

蠢爾爐蠻忽跳梁營官專利肆披倡盤據舊疆驅

犬羊毆死明正奮螳螂喇嘛以鐵筒毆  
死明正長官司數藐命官逞丸

蟻虐取茶商如貪狼大臣拜疏達

帝聞元戎移師弓矢張運籌帷幄藉匡勦督餉賴

有嘉州姜九月黃花滿路芳公署建南道事於  
庚辰九月赴炉督餉曉風夜

雨趨行裝羊裘狐帽茱萸囊茱萸可  
辟瘴氣腰間鸞刀百寶

纒大官山前馬首昂山屬  
榮經朝涉相嶺暮漢陽相嶺即印徠山  
漢陽屬黎州

雪寒飛越手指僵飛越嶺乃番漢  
分界地極險要化林惡風穿土牆公駐  
化林

儲餉  
於此沈村渡口旌旗颺大兵駐沈村即  
瀘河之東岸五月渡瀘爐蠻降



公於辛巳五月渡瀘經年畫策足軍糧神枯力竭心徬徨剜肉暫

醫眼前瘡忠貞直可對彼蒼調和文武柔勝剛軍

民感德額手慶叶秋風瑟瑟蠻鬼俵瘞骨荒原憐

死傷溜索高牽水患防兩岸以大竹篾繩扯糧過瀘名溜索因五六月人與餉不能渡河也偏

橋飛檄馬不妨以木插巖洞上鋪以板謂之偏橋巖鑿石開叢篁木柵

斜支危路旁經綸展拓鬚眉揚武侯懷抱今重光

憶昔樞謁盡心堂政簡刑清雨露灑九龍山高聖

水長樓前明月梨花香明月樓梨花山皆在嘉定清音亭下琴鏗

鏘滿地名花有海棠池邊洗墨墨魚肪東巖泉酒

清可嘗放衙花底恣徜徉謳歌四野慶豐穰二何

孫宋果孰臧何耕何逢原孫松壽宋海有惠政嘉人繪像以祀俞興朱博相頡頏

皆嘉州守有平蠻功我公政蹟何輝煌勲業行看勒旂常瑟縮

如韜類寒蠶一貧久已入膏肓已卯之冬拜下牀

正值蒿辰捧霞觴情深葭莩贈篚筐殷勤垂訊梓

與桑行行助我一葦航檄借良馬青絲韁歲在庚

辰際春王遙承明誨彌悚惶豸憲風清化暴強澤

枯噓朽培稗稂三月紅桃間綠楊復蒙遠使德意

將如椽之筆耀光鈗以扁對見詒青羅之傘炫荒涼并遺鴻

恩厚澤莫可量白鹽捆載下溪塘又贈引鹽百捆糝以澹豉

烹腥魴炎天潤我藜藿腸物換時移草木黃追隨



憲節瀘河傍瀘河風濤日日狂韜也迷昧賴扶匡  
 訓以經濟羅酒漿晨饗夕殮屢膏梁微員亦得效  
 趨蹌持籌握算謝勿遑絡繹千夫運餉忙深慙督  
 率冒雪霜余在軍前始管糧餉後管夫役白面書生事戎行迂踈自合  
 遭懲劓我公器度真汪洋包涵徧覆感中藏今年  
 妻孥來蒼茫囊中羞澁愁無糧惠我兼金糴太倉  
 悠悠蠻地慰所望征鴻嘹唳南飛旂壯以行色飽  
 帆幃凡公恩德難具詳感戴豈獨在詞章時當龍  
 會兆嘉祥十一月乃龍神聚會之時仍逢嶽降心痒痒長歌聊以代  
 笙簧祝公衣紫登廟廊嘉陽羨績誌碑坊西炉偉

烈史册彰不朽事業感

聖皇君歌臣賡集鳳凰喜見夔龍輔垂裳玉階金  
 殿聲瑤瑤



天全六番稿



海寧張韜權六

出棧詩

憶昔歲已卯量移得天全長江逆流上夔陵登舫  
 船仲冬入三峽草木猶翠鮮驚灘與駭浪夢魂長  
 惓惓今復赴京國將欲朝九天匪舟而陸路艱危  
 實並焉丙戌臘八日驅車過昇仙橋名即相如題柱處斜陽弔落  
 鳳落鳳坡有龐士元墓殘碑藤蘿牽蒼松忽夾道紫府飛霞懸  
 摠衣拜天聖殿陞何莊巖梓潼縣文昌廟曰天聖志稱祠中刻有紫府飛霞洞記迤邐  
 藏師谷陰森劒閣連危崖與峭壁石砌路盤旋未



及覽古刻翠廊成雲煙

舊有棧閣名翠雲廊

崎嶇歷千佛

金鰲山下鑿石

為千佛因以名崖江水何清漣龍洞勢噴激潛水入神宣

潛水即潛沱既

導處出廣元木寨山下流入神宣驛龍洞五丁開奇峽谿月濺珠泉

金牛峽石壁上

者有刻濺珠泉者感歎秦愚蜀金牛信譏譏貪癡雖可哂却使

行道便自此踰睢水曲折傍漢川及至黃沙驛居

民倍從前新都至沔縣南棧世所傳北棧褒城始

稍覺道路平讀便紅廟復柴寨鷄頭又昂然青橋路

欹側溪由太白巔馬鞍二十四危橋太連綿棧險

斯為甚幸無冰雪兼題詩馬道驛即蕭何追韓信處捉筆愴前

賢陳倉昔暗渡石碣草芊芊棋盤關下駐秦蜀界

分鐫欲訪鳳縣宰雙鳧飛未還

讀旋

欲考煎茶事

煎茶

坪相傳為王仙客欲會無雙夜命塞鴻煎茶于此艷異闕史編犬吠寶鷄縣始見瓦

覆椽一路皆茅房至此見瓦屋大快已出棧痛飲慶無沾棧道雖云

險安危自操權回憶三峽裏風波坐針氈更想平

蠻日渡瀘苦憂煎垂老涉危險性命如絲縣讀懸否

極理應泰恨無君平占上林春爛熳暖日耀珠簾

洛陽花似錦鶯燕飛蹁躑策蹇霜雪裏繁思如火

燃雲山互吞吐溪流忽回漩呼童沽汾酒紫霜細

細研停毫步庭下夜靜月娟娟

過衣錦橋有感

出棧詩



六番風雨夜蕭蕭夢想何期過此橋今日蹇驢經  
勝地雖非衣錦亦雲霄

雨露無端及草萊不緣狗監得憐才人生遇合原  
難定何必先驅負弩來

短衣破帽過橋東回首蓉城日正紅欲識感恩胸  
次事雲山無盡水無窮

一肩行李觸山腰驟背寒霜酒氣銷豈有凌雲真  
賦筆搏風亦欲望鷓鴣

梓潼縣謁天聖廟

數里蒼松夾道迎層階疊級馬蹄勅冕旒赫奕文

章主中服安閒化育成

前殿像冕旒  
後殿像衣巾

殿陛碑文皆古碣

簷楹字額盡名卿帝心實念斯文輩上苑紅黃正

轉鶯

虔禱得籤云栽培須得陰功  
力半有青黃半有紅之句

劍州

高問樵夫路遙聞是劍州舍輿仍策蹇落日更荒  
丘坊石今猶壯民居惜未稠此方臨險要生聚急  
宜謀

劍門關

出郭探頭望奇峰在眼前關能容一乘人可並雙  
肩乳水巉崖滴虬枝峭壁懸危途吾歷遍此險似



虛傳

朝天關

關無虎豹守有路可朝天一水環山去諸峰俯馬  
前人從沙際立鳥向嶺頭還龍洞深難測驅蛟事

妄傳

山有龍洞相傳許  
旌陽驅蛟至此

寧羗道中遇雪

雪裝銀世界崗嶺射明霞觸目光生紙吟詩冷入  
牙玉龍垂老樹枯草發瓊花窮日寧羗道寒威處  
處加

黃沙鎮

時同門滿子搖  
飛餉余鷄酒

崎嶇霜雪道半月到黃沙白飯供行客香柑喚酒  
家春符增旅思爆竹感年華幸得良朋餽銜杯醉  
晚霞

鷄頭關

午食褒城縣鷄鳴日又升雪消驢覺健徑窄客偏  
增短石欄危澗高峰怯勁鷹此關真險絕況復棧  
雲蒸

馬道驛

蕭相奚來此追賢事遠征只知人主重不惜一身  
輕轉運功難並知人識獨精蒼生歸赤帝已卜者



天全六香和  
四

番行  
一鞭求國士百戰啓皇圖知是人中傑何嫌膝下  
夫感恩不易報知己未嘗無落日荒山道殘碑手  
自摸

廟臺子

即張子房  
辟穀處

功成身退真人傑千古高風孰與偕黃石始傳天  
地秘赤松終借姓名埋分羹事業人誰道辟穀高  
臺路可堦愧我飢驅無異術乞公靈爽授仙荻

陳倉道

碑刻漢將  
屯兵處

漢將屯兵處聲稱猶赫然鴻功自此始兵法至今

傳棧道千回折飛泉百道懸我來多弔古碑畔夕  
陽天

鳳嶺

千山如鷄立一鳳獨昂頭雲氣峰峰幕晴霞樹樹  
浮崖間殘雪剩嶺上數家幽遙問蒼顏叟使君可  
在不

欲會邑  
宰高子

益門鎮

棧道止此  
其路始平

喜過益門鎮連雲棧已窮路平心覺逸地曠馬嘶  
風秦嶺雲重疊磻溪水溟濛岐山明日到好聽鳳  
鳴空

磻溪即太公垂釣處有小  
碑飛泉數仞可以遠望

出棧詩



扶風縣

晚食扶風縣年殘場市忙窮途無肉食客舍有藿

湯鸚鵡猶知感地產鸚鵡指郭浩事魚龍未可量地近魚龍川無心有

奇草地出無心草試慰旅人腸

秦風

秦風多質樸穴處有遺踪土寨如居邑泥窰似進

蜂碓房蠻聚落打箭爐蠻住碓房下一層喂牛馬石砌極高一層住一家謂之鍋庄草舍蜀春冬

川中多草舍異俗吾頻見酸辛處處同

丙戌除夕宿南湖驛旅舍地去西安止三十里

荒涼旅舍客父子各他鄉階也棲吾里陔乎滯異

方蘭蓀空自茁柏葉孰持觴幸有良朋在三杯遣

興長大兒名蘭階次兒名蘭陔余有五孫良朋指滿子搖飛彭子粹中

白首猶羈旅挑燈百不歡雪霜錦瑟冷風雨棗花

殘苦海將登岸枯魚已近灘玉環何處覓銜報愧

飛翰一路刻刻感戴能大中丞也

丁亥元旦後四日恭謁西嶽灝靈廟二首

巍峩殿閣岱雲連屹立三峰白帝前歷代鴻文垂

古篆吾

皇御製邁先賢離奇枯樹青牛繫天矯生槐翠柏

纏萬壽層樓堪縱目濛濛仙掌欲撐天有枯樹甚奇碑刻青牛老子大



天全一香和  
宇內槐一株柏樹纏其外名柏  
裹槐遠望三峰隱隱有仙掌迹

廟祀尊嚴駐翠華規模酷似帝王家未看玉殿千  
枝杏先覩金天五色霞銅鶴蹲階香霧吐秦碑沒  
字暮雲遮何時帝座通呼吸絕頂峰頭灑墨花

臨潼縣浴溫泉

驪山自古說泉溫昨歲曾聞浴  
至尊欲洗人間多舊污先將滴水試新恩鴻門事  
業成灰土繡嶺雲霞自吐吞繫馬旅門尋好事解  
衣磅礴滌塵根

途中書所見

寒梅枝上逗春光紙簇花燈處處張玉笛不吹樓  
上月鯤絃時唱陌頭桑黃柑紫栗葡萄酒翠鳳蓮  
花錦繡裳老去自知情味淡不將短褐對紅粧  
紅燈潑酒萃名花粉黛繽紛散綵霞建浦名煙含  
齒頰羊皮窄袖撥琵琶時新羅帕藏高髻小樣靴  
紋印淺沙迢遞巫山春夢杳冰衾雪枕月初斜

寄贈石泉朱明府悔人

先生苦於筆墨應  
酬因有投老之想

蓉城頻聚首倡和已三年公坐皆詩友催科急硯  
田離情如嶂壘別緒倩鴻傳莫切尊絲想春風到  
石泉



寄贈王子素堂

相見嗟何晚，離思又復饒。  
舊教知我拙，新樣自君描。  
白髮雖無恙，紅顏亦易凋。  
上林花正發，莫戀錦江潮。

寄贈萬縣鮑明府和公

俠氣凌空拂劍鐔，山城斗大瞰江心。  
梅窗雪夜昂頭鶴，茗熟爐香適意琴。  
南浦煙深聽布穀，西山雲合欲爲霖。  
五千里外時相憶，欲借歸途醉碧潯。

贈同門滿明府搖飛

芙蓉城裏喜相尋，邂逅中丞驛使頻。  
共是歐公門

下士同來上苑看，花人驅車雪棧三千里。  
策馬沙衢十斛塵，更喜春盤分雉兔。  
家家綵帖一番新。

蒙餉雉兔

五年良吏書屏久，報最今看拜玉墀。  
虎阜高城功可並，鰲溪流水潔如斯。  
霜鷄雪月茅簷酒，野寺寒塘驢背詩。  
携得龍頭桃竹杖，高堂拄看好梅枝。

因虎頭山爲城鰲溪亦屬富順桃竹出蠻中根似龍頭可以爲杖



天全六番稿

碣門紀異詩 有序

海寧張翰權六



天全高招討以罪貶爵蔭襲年幼生母文氏奉

特恩護篆經歷以流官而忽作屬員招討立有拜堂之例癸未八月之二日文氏公堂大座余屏息轅門土胥層累而進未及於余門者高呼余銜入門摠衣歷階朝服四跪拜此亦今古詩人所未遇者也故拈筆以



紀異

笑殺鬚眉五十三自慙自責自加憐盈頭白髮雙  
眸炯高座紅顏四拜全巾幗不妨羞仲達瘋狂且  
自學張顛樗材枉辱

天朝命慟哭孤臣隔九天

四海車書萬國朝 明廷體制肅羣僚王人曾序

諸侯上命吏羞當異類驕曷喪時聞哀痛誓罪人

翻折士夫腰招討以罪削職卜年八百猶安享招討已歷數百年矣更勝

周家曆數遙

六番八詠次前輩尹楚白先生韻 有序

尹楚白先生諱夢璧吾浙湖州府烏程縣  
人以明經任滁州司馬崔呈秀按滁欲以  
豐山勝地為魏忠賢生祠檄三下先生報  
以三不可遂忤崔意尋釁逮至京欲殺之  
故舊力救得免貶天全六番經歷蒞任後  
築何陋居吟哦其中有六番八詠先生當  
璫氛肆焰亮節垂于異地韜時際雍熙明  
良賡歌乃亦躑躅番蠻貽羞併壘其志其  
遇亦可悲矣

嘹唳飛鴻天外音異鄉風土孰能禁黃花亦綻清



天全六卷和  
秋節玉杵難聞落月砧萬里關河魚信杳一天風  
雨夜燈深欲知和水清霜苦惟有階葵向日心

二

四海羣依日月光

聖朝威德遍殊方車書一統承恩澤玉帛千年來  
享正豈有苗民終逆命謂爐蠻不順忍令蜀女失求桑微  
官敢負

天家祿聲教常思被八荒

三

若雪傳經十七載一肩行李向番蠻雪霜願抱青

松節烽火俄驚紫石關瀘水風濤朝問渡碣門羽

檄暮旋頒

余甫蒞任即調往打箭爐軍前督催夫米

煙波釣艇知何在鷓子

鞋穿萬疊山

鞋如半靴即尊官亦必穿此以陟險

四

旌旗蔽日耀奇觀馬首西來盡大官九折坂前千

背雪

即王陽驅車處

二郎溪畔萬夫寒

地近黎州

熨僮獠女烏隨

合猛將謀臣髮指冠更有

天兵來楚甸捷書久已報長安

五

黑雲陣陣障蠻天蠻雨蠻風又一年溜索輸糧天



際洵夏秋瀘水大發難渡以溜索扯糧過河偏橋飛檄夜深傳陡壁鑿洞插以木橫覆小板若一失足則身付橫流矣金釵艷艷依青幕金釵花名石燕飛飛繞翠烟爲問山頭騎鶴侶爐中丹藥幾時還

六

天朝愛養重民生疊嶺重溪瘴氣清一自爐蠻猖絕域遂令黑水起昆明削成印竹疑扶老顯要過險嶺必攜一竹杖以防滑仆踏遍山花失問名五月羊裘六月雪淒淒塞草動悲聲

七

危途歷盡不成吟愁聽哀猿叫遠林懷葛樓空荒

草滿景蘇亭圯落花深懷葛樓景蘇亭皆天全古蹟謬傳鐵甲霜前返虛想黃花雨後尋何日耰鋤安土著樵歌牧唱任天心

八

芹莖稱美對鄉豪不學孤臣著楚騷盛世自應歌集鳳乘風何用釣連鰲枕肱每臥寒溪月騷首時刪廢圃蒿屈指陽和回絕塞一奩綠水漲溪毛

再次尹先輩八詠韻

吟成白雪少知音欲和深慙力不禁前輩尚留書卷氣秋風共感故園砧玉龍溪畔遊魚杳金鳳山



頭落葉深玉龍金鳳異地悲歌同一轍百年長抱歲  
寒心天全山水

二

前朝相政耀休光相政河南人不有先生那可方激烈詩

歌垂蠹簡忠貞氣節動蠻王烏思藏裏經年雪先生

閱邊曾至藏中何陋居前幾樹桑何陋居今不復存感慨古今慙俯仰暉

暉落日照遐荒

三

六番自昔聲名著久紹箕裘統眾蠻當時五王六貢俱統高楊兩招討

八百茶人輸上貢一千土甲守雄關天全向有八百茶人一千土軍禁

門關紫石關皆天全所轄龍章每荷

天家賜鳳曆遙從

帝闕頒慙愧小臣叨一命日烹和水對荒山和水即和夷底

績處

四

高牙大纛壯雄觀欹側疲驢歎冷官瘦骨渾疑山

鶴聳癯形酷類野鷗寒非因饑餓羞萊釜偶向風

塵笑楚冠兩載蕭條棲異地幾回清夢到長安

五

蜀水吳山悵各天蘆花楓葉自年年江湖有夢千



迴折魚雁無書萬里傳故國雲山勞寤寐他鄉鋒  
鏞少炊烟何時瘴嶺蠻烽息雲頂山頭看月還天  
有雲  
頂山

六

豈謂微官老此生紫薇峰頂想秋清西山爽氣應  
添潤北墅晴雲近更明思友人也紫薇北  
墅皆故鄉山名家有破書堪訓  
讀田無負郭可埋名霜風撼撼飛殘葉腸斷寒鷄  
報曉聲

七

亂山風雨似龍吟觸目慈烏哺晚林卅載傳經心

事切一官養拙

主恩深蘭芽喜報庭前發蒞任後  
得五孫松逕遙從夢裏尋  
乳燕飛飛初學語依依客幕慰愁心次兒九歲已讀  
五經左史騷賦

八

應試金門氣頗豪年來雙鬢歎蕭騷海濱久竭垂  
綸手塵世徒思立極鰲象鼻爐寒書懶讀魚腸劍  
冷目空蒿洛陽不少花如錦春色何時暖二毛

雨綿江漲頗有餅罄之憂詩以遣懷

雨積空梁燕食稀狂濤挾樹去如飛朝來已乏呼  
鷄粟煮得蒲葵可療飢



觸石山雲日逞威雲迷峰樹鳥忘歸溪頭水急難  
垂釣坐看茄花雨後肥

友人小集次韻

秋日離家秋已更荷花滿眼促狂醒昂頭我却同  
癯鶴落筆君其類渴鯨興至每思揮麈尾聞來欲  
共煮茶鐺悠悠千古憐同調愧壘胸中自不平

楊駿聲東倩招飲荷亭

小池荷氣晚來香愛摘新鮮蓮子嘗檻外紅衣浮  
水面樽前雪藕出蠻方那箇何似碧筒好紅葢遠  
輸白葢良不染污泥真絕幸絲絲雲錦結中腸

大悲寺雨夜

淹留蕭寺雨綿綿不枉相傳是漏天草浸寒階燈  
影澹灘崩亂石水聲顛書拋黑夜無官燭酒乏紅  
香缺俸錢天半飛鴻真迥絕肯隨凡鳥受人憐

次和舍弟晉方京師寒食韻

萬里艱危寄此身倦看塞柳插簷新上林花鳥猶  
堪醉不與窮荒一例春

喜得小孫

白髮蕭蕭五十翁孫枝挺秀感蒼穹傳家故物惟  
清白莫以貧寒怨乃公



出郊西

羸童疲馬出郊西水滿山田綠滿畦只願年豐民  
得飽不妨餅罄面常黧微官莫負朝中命幼學敢  
因塞外睽幸有郢醪供客醉松箋鶴硯手親携

友人招飲慈朗寺高閣

當時五王六貢  
集此俗名蠻寺

萬國車書達帝京獨留高閣慶昇平參差樹色  
牕中見高下山花眼底明荷鍤農歸驅犍犢採茶  
人散語流鶯蠻方節序知先到把酒臨風寄遠情

贈葉伊人

竊祿天朝媿所司西湖蓴菜豈堪思秋風未必摧

堅葉弱草何當薙利錐入饌溪魚羹最美充庖山  
藥老尤宜天涯亦有真知己落日荒涼倍可悲

八月十三日雨夜

客裏秋懷倍可歎清輝漸喜舉頭看月如有意雲  
遮盡天亦無情雨作寒廉水固然湮異域貪泉那  
許酌流官素娥倘肯憐詩瘦幸放蟬光到碧巒

贈楊駿聲東倩覓箋

綠豆青梅佐酒來翻階紅藥可曾開恨無柿葉呼  
童掃筆墨塵封坐石苔

癸未九日陳日章携酒遊慈朗寺

山名大鵬



鏤棗題糕秋氣清大鵬山閣酒頻傾菊花萸子詩  
情富竹屋蘭谿江水平慰未聰明忘記誦旭何慷  
慨樂嚶鳴佳辰良友真難得不羨興元賜宴榮

九日懷高遠生

遠生每以溪西鷄齊啼  
韻索和故未句及之

曾過高齋坐菊籬籬邊黃蕊欲開時香醪醉我情  
何劇好景當前意自馳蚤酒鹿糕虛故事兔肝羊  
餅惹閒思拈毫欲叶溪西韻撚斷枯髭沒半詞

黃楊樹

風霜歷盡幾千場那得亭亭百尺長到老詩篇無  
寸進欲將稿本號黃楊

陳子貞戲題華幼武稿曰黃楊以其色  
潤而不長也幼武即以名集不以戲為憾

次沈子亦軒闈分蘭字韻

長日茅齋誰可歡卷舒惟見出雲巒眼前良友堪  
狂飲屋外青山笑冷官既乏經綸酬

聖主且尋詩酒樂騷壇呼童細拔空庭草閒去還  
思學種蘭

重九奉懷蘆山沈使君

使君俠氣獨橫秋白髮於吾少勝遊蠻塞花開鷗  
共語江天雁過月當樓拚將破帽隨風落不放青  
瞳向菊愁尹曲何時容客聽龍頭山頂豁雙眸

龍頭

屬蘆山 唐時重九登文峰歌  
聞數十里時聞演劇故及之

天全六香高

碣門詩

九



次沈子亦軒重九韻

雲鎖空山冷澹秋仰天笑憶去年遊空言冒雨尋  
黃菊無復乘酣坐小樓慈朗寺有小樓去年集此低唱淺斟才子  
樂狂呼搔首長人愁長讀去聲高懷肯念閒中事快讀新  
詩放遠眸

端陽後一日宋幼扶過飲

寂歷空庭花雨香高賢移屣玉生光正統時是日午時雨天花於庭其形  
玉如猶存綠艾頻傾酒剩有紅蘭可煮湯清風每拂  
騷人面綵佩時輝稚子裳宋以白扇香囊貽余兒子異地冰糲經五  
薦今朝始不負蒲觴

碣門雜感

亦欲金門讀秘書年來壯志盡銷除半甌菴粥三  
杯酒且向灘頭看挂魚天全捕魚以竹懸細鐵鈎放線數丈于急水中鈎之謂之挂魚  
雲山當戶看能飽風月來庭意自廉莫道迂儒耽  
靜趣北窗祇有一編拈  
睡起秋窗陰復晴殘書雅喜伴孤清倦來閒步聽  
流水鳴咽聲中似不平



天全六番稿



海寧張韜權六

恭賦 能大中丞峩眉祝

聖詩一百韻 有序

時維辰月序屬三春桃熟西池綏桃競獻綏山

綏山即中峩葛由下 於此食桃得仙 柳眠漢苑眉柳新搖眉嶺邊錦城

花雨繽紛已頌

太平天子驚殿佛燈晃朗遙瞻兜率金仙萬福橋

通萬聖閣萬年寺齊呼

萬歲三望坡連三藏堂三峩峰共祝三多



天全六番和  
聖主得賢臣允矣山川增色佛光催野雀誠哉雲  
樹呈祥用賦里言恭傳盛事

聖朝功德垂天壤巍巍蕩蕩媿虞唐豈特遠超後  
三代明時以漢唐  
宋為後三代前無文武邁禹湯我

后椿齡齊日月光華普照頌明良萬國車書統自  
一融融

聖澤被遐荒龍飛紀年四十四峩峩山頂氣熾昌  
雲旗翻飛王母鳥紫芝玉液兆嘉祥草綠長生雲

藹藹竹青千歲露灑灑木蓮花發壽聖寺玉液泉名  
紫芝洞名  
王母鳥長生草千歲  
竹木蓮花俱產峩峩天慶庵前集鳳凰鳳凰飛飛何所

欲只欲

聖祚峩峰長粵稽峩峰迴西極雲鬟凝翠鬢黛妝

句出高出五嶽秀天表泰岱不及况武當伯仲崑崙

郡志源星宿形如初月眉可方瓦屋青城環其後雪山  
在望前岷江上有石龕百十二大洞小洞莫可量

太妙洞天居其七軒轅問道廣成傍普賢昔乘六  
牙象阿羅婆多開道場始從聖積到句水聖積  
寺名伏虎

寺由會宗堂古心坪名華嚴寺名多勝景解脫橋下泉  
瀧瀧希夷灑墨大峩石福壽二字隱毫芒歌鳳臺

空留鳳嘴石名中峰寺名遙倚龍神岡雙飛橋名湍激牛



心石大峩樓成勢飛颺喜光堂過息心所九老洞

口設茶薑危梯峭棧攢鵝鵝鵝攢山名初喜亭名木皮殿

可望禁山殘碑立雷洞八十四盤歷朝陽洞名護國

草庵沉香塔巖巖大石天門旁光相寺居山絕頂

觀佛臺上看佛光辟支童子臺對照右有千佛巖名

左金剛石名銅錫為瓦更兼鐵又有金殿何輝煌白

龍池水甘且美龍子可掬心痒痒震旦名山峨為

最五色雲現奏熙康前朝嘉靖曾現我

朝盛德遍四海朝貢不止來越裳金石詩歌

賜荒服淋漓

御墨寶萬邦名區勝蹟留

宸翰洞天福地垂

龍章

聖主加意在西顧推心置腹感氏羌聲教遠被烏

思藏爐蠻效順來筐筐

特簡名臣撫全蜀崇文奮武恤農商訟簡刑清屏

姦宄敦本興讓重膠庠大法小廉遠人服既庶且

富勤保障歲在乙酉春之季節序芳菲樂滂洋釀

紅醞綠韶光媚燕子呢喃繞畫梁山青江碧花添

露蝶舞鶯飛睡海棠滿徑落紅鋪錦繡一渠新漲



浴鴛鴦短橋流水宜圖畫飛英摸石恣徜徉

范蜀公宴客茶

藤下有花墮酒者飲一大白名飛英會成都三月遊人求子者於海雲山池中摸石得者生子

帳子花開風日好

恭逢

萬壽奉珪璋先期豫祝長春節元老躬先鴛鴦行

朔日弘開龍象座頻敲法鼓簇經緗金身霞帔佛

仙像雪笠雲裾釋道裝共慶昇平陳百戲與民同

樂奏笙簧祥煙密布延慶寺

蜀省名利設壇於此

錦里歡呼頌

聖皇蘭草芬敷值上巳中丞忠愛更縈腸蓉城未

罷華封祝復趨我嶺壽

天王白馬紅纓行綺陌金鞭玉勒走芳塘映日奇

花看滿路半溪流水帶垂楊麥風翻隴呈濃綠晴

波暖藻戲河魴馬嘶芳草煙光薄遙指前村是木

羊

鎮名

太平禪寺停征轡興聖庵前繫紫韁月滿峰

頭多瑞靄十有八日祝無疆普天佳氣丹青迥率

土祥雲繡幕張上林苑內千花放鳳閣和鳴百鳥

翔金殿香煙浮

黼座衣冠劍履玉瑤瑤太清紫氣空中降五雲八

景駕蒼茫

老子於三月十八日同光天元后降太清宮茅君亦於是日駕八景輿駐于五雲峰

海甸嵩呼

齊上壽元臣齋戒浴溫涼

泉名

壇設九重光燦爛爐

煙馥郁透穹蒼梵音清徹碧雲裏木魚金磬出幽



箕貝葉頻翻旋螺殿楞嚴朗誦聲琳琅瓶添澗水

三花樹樂奏雲韶法曲詳琉璃光映菩提石即放光石

柏高標纓絡幢齋厨淨供真珠菜佛現鳥分鉢內

糧菜鳥俱產我眉袈裟坐演三車法偏袒右肩繞迴廊天花

亂墜香壇靜雁塔風動金琅璫元臣虎拜朝金像

稽首真如畧官常千燈長照光明室六時功課魔

心降鵝毛玉鳳花爭放花產我眉閒偕衲子坐禪牀三乘

七寶皈依遍煙霞水月精誠將天仙橋畔天仙萃

玉女峰頭玉女雙皆屬我眉龍池鳳嶺曇花發電繞虹流

洞八窗南戒名宗坊名弘法力

佛心天子廣慈航此時玉殿開瓊宴此日金門聚

寶纓聞道

六龍巡兩浙

聖德如天澤濺汪西湖山水邀

宸眷西湖花鳥傍龍驤小臣一羶棲茗雪

鑾輿猶記舊鏗鏘憶昔

南巡歲已卯龍舟鳳艦駐金閭

六宮齊獻

南山壽三吳父老亦稱觴慙愧微員居異地飢凍

及身幾欲僵送窮懶學昌黎筆乞米徒嗤海嶽狂



戴盆幸喜天可見解網猶思日出暘孤臣剩有閒  
書卷牢騷白髮賦滄浪瘴雨蠻煙消歲月擎拳曲  
膝笑空囊流官已爲土屬下枉竊俸祿辱朝綱幸  
寓錦官值

聖壽得隨元老樂趣踰既想故園朝

鳳輦還歌眉嶺祝芝房明良千古真奇遇浩蕩乾  
坤日月忙衢歌巷舞歡聲溥綵雲佳氣繞宮牆鳴  
鳴野笛酣春酒聲聲社鼓慶豐穰萬年玉帛

皇圖永金鑑千秋石室藏南浮瑞氣隨潮湧北望  
天門萬代慶韻叶錦里拜恩仙樂起鵝峰轟轟海

梅香

海梅產  
我眉

君恩高厚原難報憲德淵涵愧激昂豈有文章鳴  
盛世漫無經術急勸勦靜思

聖壽同天地合並峩山萬古揚



天全六番稿



海寧張韜權六

蓉城懷古詩五首

應劉臬憲命

草堂

乾坤震蕩留大雅西蜀草堂傳古今惟忠可以垂  
 天壤夫豈僅以詩名振草堂先生忠貫日作詩自  
 比稷契臣身在江湖心廊廟讀破萬卷筆有神滿  
 腹經綸無所用流離隴蜀恒依人公自同谷入西  
 蜀草堂謀築浣花濱成都賢尹有裴冕結構時出  
 橐中金經營上元成寶應萬里橋西初結隣鄭公



天全六卷  
載酒每相過徒以飲食號知音先生終身幾顛沛  
蜀叛忽起楊子琳徘徊嘉戎復夔梓草堂亂後成  
荆榛自唐迄宋值元佑呂公大防復更新更得賢  
尹胡宗愈刻詩繪像潔明裡我朝文治邁唐宋  
君歌臣賡雅頌陳諸公爲復草堂舊賦詩足繼草  
堂吟慙余跼促居異地緬想草堂神相親先生有  
才恨不遇致君堯舜徒有心唐世方鎮可薦辟先  
生胡爲終埋沈鄭公亦少舉賢事枉咎先生太率  
真自古難得惟知已慟哭草堂哀鳴禽江水潺潺  
松謾謾天風淅淅春陰陰

### 石室

鴻濛肇分風氣闢九州底定文運崇要在得人施  
教化不以偏隅廢磨隴川中開國最爲後張儀諷  
蜀劍路通民風渾穆似太古禮樂焉得及蠶叢迨  
至赤龍主漢室天祐三巴生文翁分符來作是邦  
守大設庠序誨童蒙旣立講堂明理學復作石室  
開文風石以礪琢方成器室取石義意無窮且惟  
石能垂不朽切磋茲石藉力攻漢安永初災于火  
興平重設盛儒宗太守高朕增置一始作禮殿祀  
聖容七十二子咸附享煌煌鐘鼓列周公五帝三



王咸繪壁三代兩漢像復工其後好事益魏晉規模石室何雍雍宋朝嘉祐得王素摹寫七卷氣象洪人有一百五十五禮殿名圖雜笙鏞紹興年間更摹寫堂號石經繼前踪教化大行賴賢哲岷絡直與鄒魯同其間孕靈多傑士德被南蠻伏西戎文風原自石室始至今聲稱猶喁喁

聖朝加意在西顧得人布化治更隆特建義學集英俊詩書重啓石室封不才自合甘邊土猶冀大化及蠻峰冷雲瘴雨何時息西風獵獵啼寒蟲

簡州

石刻漢安元年四月十八日  
會仙于此石室丹爐猶存

### 錦江

錦江春色來天地宇宙長垂杜老篇春色有時到江上江邊逝水不復還或謂錦江濯錦麗以是錦江獨稱焉然則江難更僕數何以茲江名爭傳蓋詩以江而增艷江因詩好名愈妍今時蜀錦不可得江雖錦名空流連豈謂乾坤多幻化江亦因時而變遷抑或人事有巧拙非關江水色不鮮不然今古同此水好錦奚爲久沈湮乃知盛衰實天運盈虛消息理固然挽回氣化賴當事扶持風雅仗名賢江頭春風時拂拂江中流水清且連組織錦



天全六卷和  
三  
繡集僚友詩名直接浣花前錦江復可名清白趙  
守清操聲又聞孤臣躑躅號天末流官空忝土屬  
員垂眉折腰負 王命竊祿枉費天家錢花樣不  
入時人眼製錦徒勞心懸懸慙無錦筆干天象每  
對江水發悲咽安得五色天孫巧織成愁恨寄江  
嬋安得十樣浣花紙寫就民勞達九天仰止錦江  
想江水春色何時到極邊錦里先生空忠憤止有  
佳句留詩編狂瀾時切砥柱想長江浩浩年復年

陸海

朝廷所重在水利水利乃民衣食原害之不除利

不舉萬姓何由給饗殮錦城千里稱沃野陸海聲  
名垂乾坤粵考蜀水出岷麓列鷺村實江之源羊  
膊嶺高羗地裂分爲二派日夜奔一流西南過大  
渡一流正南入溢村自秦李冰開水利疏鑿離堆  
通江痕江通得避沫水害大坎小坎勢若蹲操刀  
殺牛水患息漑田萬頃飽朝昏因之設立都江堰  
因勢利導供吐吞灌縣城下引江水東注北折似  
翻盆二江分自寶瓶口遠由離堆循其根至元僉  
事吉當普包砌諸堰爲石門以時啓閉備蓄洩三  
江水利功難論前朝胡光宰灌縣石堤貫鐵圖久



存復有盧翊親疏鑿灌瀾亭畔秦碑捫深淘灘與  
淺作堰六字妙訣留深恩明末堰決沙填積我朝  
高公通其源顧募番猱嚴修築至今陸海利澤繁  
天子側席殷西顧特簡賢良育黎元勤修水利  
歌陸海豈僅風雅踵梁園川民飽煖遊錦里歌衢  
擊壤樂潺湲

青城

西蜀最多名山水屈指奇秀首青城岷山峰巒亘  
千里青城第一無與倫山有七十二小洞七十二  
候通蒼冥峰頂更有大洞八復應八節象星辰天

倉諸峰左右列堪岩削壁勢崢嶸白雲溪繞麻姑  
洞融照寺前陰晴并人間不敢爭姚魏石湖高詠  
牡丹坪丹成碧落皆佳句整貂留像范長生芝草  
竹木皆墨點擲筆槽成神鬼驚丈人峰畔舊龍穴  
驅除水害感神人赤城自昔建高閣宮名建福插  
天橫橫山小溪資灌溉石佛灣中田可耕翠微杳  
藹朝陽現長生觀口雲氣縈張俞李浩曾隱此奇  
峰秀氣觸目呈神仙都會洞天處青鸞白鶴參差  
迎今古山川自不改青城佳景無虛盈臥遊每羨  
茲山勝恨無清風兩腋撐諸公詠歌青城什我欲



從之留佳名名山勝遊長文氣盪胸決皆增奇情  
嗟余偃蹇居邊土蠻山蠻水心怵怵既少仙骨致  
仙術方傳辟穀濟長貧清風明月常來往樵歌牧  
唱任天真何時塵想俱消盡放眼青城聽鶴鳴

再赴蓉城曉行口占

朔雪侵人向此過春風又復拂山阿樹頭密霧連  
禽罩驢背寒霜帶月駝鷄舌含香人去矣

謂王子文在 蟻

丸逐臭我留何樂天知命吾儒事肯向青冥恣笑  
歌

詠美人簾內影次友人韻

湘簾掩映玉芙蓉霧籠名花第幾重鸚鵡飛來渾  
欲傍麝蘭香透似無踪模糊黛色難相認描寫春  
姿未得容老去自應情意澹匪關窈窕隔琤琮

雅安重陽

何堪風雨過重陽客館蕭蕭更斷腸晨起自憐飢  
鼠嚙書空徒笑蠹魚忙白衣豈餉窮愁叟黃菊能  
經冷澹霜猶憶故園楓樹裏持螯把酒插萸狂

金道憲新種盆菊座上命賦

移來籬菊栽盆盎疎蒞參差錦署看為怕深泥沾  
葉污因藏複閣護霜寒晚香冷韻邀誰賞苦雨淒



風總不殘倘得根株栽上苑寒花應放玉闌干

送田成都赴戶曹主政

嶺梅初放馬蹄香一路青山笑冷裝十載簿書隨  
獨鶴半肩行李踏清霜尊羹每寄湘塢夢雞舌催  
含粉署郎萬里關山看去雁數聲嘹唳碧天橫

詠美人粧半卸次友人韻

茉莉花開度晚天雲鬟粗挽落花鈿吹簫月下輕  
綃捲賭酒花前小袖便剩有薄羅寒玉骨呼來半  
臂護香肩闌刪韻致疎慵態不是狂奴意亦憐

贈石泉朱悔人明府

時值尊誕

水仙瓷盞半抽芽琬液清觴好泛霞

王母薦穆王琬液清觴

官冷

偏凝磨硯水髯垂欲折結冰花留雲偕月超凡句

給月支風舉世誇

二句摘朱敦儒語

差喜絕交遲著論雪中猶

御李公車

槐里爭傳折角名朝呼飢鶴伴茶鐺雪峰松嶺閒

題遍象水龍湫只獨行

皆石泉山水

製就能鬚冠未戴愛

揮鵲翅扇難成窮荒我亦甘投老欲買舸船共去

旌

荀家會食盡皆龍

先生有十子

繞砌蘭蓀伴短筇弟子昇

輿皆白首先生倚樹獨青松鵝兒榨綠清閒酒魚



天全六卷和  
子翻紅錦繡胸金灶銀房緣底事且燒石鼎醉吳  
儂

次王子素堂秋懷韻

豈爲浮華強自拘欲逃坎壈便非夫荒涼蠻塞隣  
豺虎寂莫秋風聽鷓鴣已信窮通由造化難辭心  
眼識之無啜醢本屬胸中事要洗汚名糟也舖  
最喜東籬菊已花一池秋水亂鳴蛙塵中詩句何  
曾好塞外風沙未有涯一樹寒梅清澗曲數竿修  
竹野人家何時小隱成吾僻卜築溪山儘自誇  
雙眉肯向遠天低望斷青雲路未躋紅葉飄零秋

已老黃花開綻色初齊短衣破帽風塵客野菜藜  
羹冷澹齏差喜騷人萍水聚詩籤分就醉如泥  
先生雅有晉人風筆底新詩更不同務去陳言排  
俗調獨標雋格運神功蛟龍也有泥潛日姓氏肯  
將曲裏通玉殿春風應未遠一聲鶴唳震長松  
王子元直以菊作屏招飲索賦

主人雅有看花癖不愛凡葩愛菊清自秉真香原  
透骨雖多異品不矜名日篩簾影偏宜晝葉避燈  
光倍逞瑩我著敗綈餐脫粟也饗梁肉傍詩檠

陸龜蒙詩云我衣敗綈我鉢脫  
粟羞慙齒牙苟且梁肉



池塘佳句趁花時籍籍難兄五敵詩指素堂王逢年作五敵詩剪出

松綾催錦字携來珀酒注宣瓷參差紅紫疑春到

寂莫風光少蝶窺簫管不來匪敗興清談吾輩正

相宜是日微歌不至

已知百卉開俱盡即有梅花領眾芳喜脫籬根攢

繡幄滌除塵氣耐瓊霜借寒互綠書真妙素堂以龜蒙借寒互

綠句額香水甘泉老欲嘗鄆縣菊水甚香可愈疾飲甘谷泉水且得壽颯颯秋風

寒徹骨難隨巧樣學霓裳

勝友爭揮黃絹詞霜花冷澹是吾師藏鬪每出油

囊酒剪燭頻敲馬鬣棋麻姑至蔡經家酒盡就餘杭姥酷得油囊酒王積薪好奕常繫棋馬鬣

萬朵寒英供嘯傲一庭秋色更離披雲波醉倒真

癡絕獨策疲驢帶雨欹林春號雲波賦詩有酒狂貧不能沽其友鄭鐸造一壺刻雲波二字至則飲之

次王子素堂見詒韻

看盡飛鴻達帝京白頭猶作六番行相逢錦水

南來客同是秋風敗北兵我久賣文無活計君來

鑄劍復何成非因梓里情偏切閒話溪山眼倍明

詩巢好句肯輕傳不許頑丹浪作仙素堂有詩巢嚴於擇友萬

壑千巖誰並秀流觴曲水當排筵閒摹殘帖追鍾

傳愛製新詞教李娟鷄檄鵝羣不易學相知悔不

在當年




天全六卷和  
壁間空挂沒絃琴敢謂棲遲少素心入夏猶看蠻  
嶺雪深秋虛想菊花馨胸無經術甘投老時際  
熙朝那擇林闔韻啣盃差足樂萍踪猶得慰朋簪  
雪風偏向薄衣增耻望終南尋路登轉盼潮頭看  
射弩欲隨驥尾托飛蠅光武與隗  
囂書中語蓮池秋水留佳月  
古佛深更伴一燈余時寓下  
蓮池僧舍去雁聲聲驚破膽寒山  
斷處日初陞





12



12